

Na osnovu Zakona o visokom obrazovanju Kantona Sarajevo /prečišćen tekst/ ("Sl. novine Kantona Sarajevo" broj: 43/08.), Pravila JU "Studentski centar" Sarajevo, Dogovora o jedinstvenim kriterijima za poboljšanje studentskog standarda studenata koji borave u studentskim domovima na teritoriji Federacije BiH, potpisan od strane svih studentskih centara u Federaciji BiH, Udruženja studenata studentskih centara i Studentskih parlamenata Univerziteta u Federaciji BiH, Zaključaka Zajednice Studentskih centara Federacije BiH, te Saglasnosti Ministarstva obrazovanja i nauke Kantona Sarajevo na tekst Konkursa za prijem studenata Univerziteta u Sarajevu u studentske domove u Sarajevu u akademskoj 2010./11. godini na smještaj i ishranu, broj: 11-01-38-17879-1/10 od 28.06.2010. godine, JU "Studentski centar" Sarajevo, raspisuje:

## **K O N K U R S**

### **za prijem studenata Univerziteta u Sarajevu u studentske domove u Sarajevu u akademskoj 2010./2011. godini na smještaj i ishranu**

#### **I**

JU "Studentski centar" Sarajevo će u akademskoj 2010./2011. godini primiti 1920 studenata Univerziteta u Sarajevu u studentske domove na smještaj i ishranu prema utvrđenim jedinstvenim kriterijima, koji važe za sve studente koji apliciraju na Konkurs i to 1870 studenata iz Bosne i Hercegovine i 50 stranih studenata.

Pravo na prijem u Studentske domove u Sarajevu imaju svi redovni studenti Univerziteta u Sarajevu čije je mjesto prebivališta izvan Kantona Sarajevo, a imaju obezbjeđenu subvenciju od Kantona, Općine, Federacije ili neke druge državne jedinice.

#### **Studentski domovi u Sarajevu za svoje korisnike pružaju sljedeće USLUGE:**

**Usluge smještaja** podrazumjevaju sljedeće usluge:

- stanovanje prema kategorijama smještaja,
- usluge grijanja,
- troškove električne energije,
- utroška vode i ostale komunalne usluge
- troškove sanitarne tople vode 6x sedmično,
- mijenjanje posteljine 2x mjesečno,
- korištenje zdravstvene zaštite u studentskom domu,
- mogućnost korištenja multimedijalnih centara,
- korištenje učionica, TV sala, biblioteka studentskih domova,
- kantina/menzi, (studentskih klubova),
- sportskih terena i
- prostora za druge društvene aktivnosti.

**Usluge ishrane** podrazumjevaju korištenje dva topla obroka dnevno, i to 25 ručaka i 25 večera u toku mjeseca. Kalorična vrijednost i zdravstvena ispravnost hrane je pod stalnim nadzorom stručnih institucija i u skladu sa normativima primjerenim životnom dobu korisnika. Proizvodnja i priprema hrane vrši se po **HACCP sistemu sigurnosti hrane** uz primjenu provođenja svih mjera i standarda higijensko-zdravstvene kontrole u skladu sa zakonskim normama.

**PROSJEČNA KALKULATIVNA CIJENA paketa usluga, detaljnije opisanih u stavu 3. ovoga člana (smještaj+ishrana) iznosi 300,00 KM mjesečno.**

Za studente čiji Kantoni obezbjeđuju subvenciju u iznosu od 189,00 KM mjesečno, prosječna kalkulatívna cijena, kao participacija studenta u cijeni paketa usluga, iznosi 111,00 KM mjesečno, zavisno od kategorije smještaja.

U kalkulatívnu cijenu nije uračunat dio troškova koje obezbjeđuje Osnivač.

#### **II**

Učesnici Konkursa trebaju dostaviti :

#### **A) OBAVEZNA DOKUMENTA – obavezno dostavlja svaki aplikant**

1. Prijavu za prijem u Studentski dom (orginal),
- 2.a.Uvjerenje od visokoškolske ustanove da je redovan student u akademskoj 2009./10. godini, s prepisom ocjena o svim položenim ispitima (orginal),
- 2.b.Studenti master studija dužni su dostaviti prepis ocjena master studija na unificiranom obrazascu

uvjerenja ili obrascu fakulteta ukoliko sadrži sve elemente ovog uvjerenja (orginal),

- **Napomena : kopije indeksa se ne primaju**

2.c. Novoupisani studenti (brucoši) podnose ovjerenu kopiju svjedočanstva iz završnog razreda srednje škole.

3. Kopija lične karte i orginalnu CIPS-ovu prijavu ne stariju od tri mjeseca

- Studenti strani državljanima dostavljaju ovjerenu kopiju pasoša ili lične karte,

4. Ovjerenu IZJAVU o saglasnosti na zabranu dijela plaće jemca za eventualno neizmirene obaveze studenta, proistekle iz osnova korištenja usluga studentskog doma, koju popunjava član uže obitelji koji se nalazi na kućnoj listi studenta-aplikanta sa stalnim zaposlenjem ili drugo fizičko lice sa stalnim zaposlenjem kod pravnog lica iz javnog sektora.

5. Dokaz o uplati **10,00 KM** za troškove obrade podataka. Uplatu izvršiti na transakcijski račun broj: 16100000442010 kod Raiffeisen Bank dd u korist JU "Studentski centar" Sarajevo, svrha: troškovi obrade podataka.

**Napomena:**

Obrasci iz Konkursa navedeni u tačkama A)1., 2.b. i 4. mogu se nabaviti na recepcijama studentskih domova ili na web stranici: [www.student-centar.ba](http://www.student-centar.ba)

**B) DODATNA DOKUMENTA – dostavljaju se za ostvarivanje dodatnih bodova**

1. Uvjerenje o zajedničkom domaćinstvu (kućna lista)

2. Uvjerenje o ukupnim primanjima članova domaćinstva (roditelji odnosno staratelji) po osnovu:

- plaće (ovjerena od strane pravnog lica kod koga je član domaćinstva zaposlen),
- penzije (posljednji ček od penzije, orginal ili ovjerena fotokopija),
- druga primanja (ovjereno od Centra za socijalni rad ili drugog odgovarajućeg organa).

3. Potvrdu od Biroa za zapošljavanje o nezaposlenosti roditelja ili staratelja,

4. Potvrdu – uvjerenje o osvojenim nagradama na takmičenjima na kantonalnom, entitetskom, državnom i međunarodnom nivou,

5. Potvrdu od VŠU o studiranju brata/sestre, ukoliko studira van mjesta prebivališta,

6. Potvrdu o učešću u OS R BiH (roditelja ili staratelja)-provedeno vrijeme,

7. Potvrdu o stepenu invalidnosti izdatu od strane nadležne Komisije (lične, roditelja ili staratelja),

8. Potvrdu o poginulim, nestalim i umrlim članovima uže porodice (roditelj-i, brat, sestra) izdatu od nadležne institucije,

9. Potvrdu o logoraškom statusu, ličnom ili roditelja odnosno staratelja (izdatu od strane Međunarodnog Crvenog križa).

Naprijed navedena dokumenta (orginal ili ovjerena fotokopija) moraju biti izdata od nadležnih institucija i ne smiju biti starija od šest mjeseci.

Nepotpuna obavezna dokumentacija, kao i neblagovremeno dostavljena ostala dokumenta se neće uzeti u razmatranje.

### III

Pravo učešća na Konkurs nemaju :

- Studenti stanari studentskih domova ove i prethodnih godina, koji su kršili Kućni red i protiv kojih je izrečena teža disciplinska mjera,
- Studenti stanari studentskih domova ove i prethodnih godina, koji nisu izvršili svoje finansijske ili ugovorene obaveze prema JU "Studentski centar" Sarajevo,
- Studenti koji drugi put obnavljaju studijsku godinu za koju apliciraju u studentski dom, izuzev studenata koji se samofinansiraju u punom iznosu cijene koštanja usluga smještaja i ishrane u eventualno slobodnim kapacitetima.

### IV

Rangiranje kandidata obaviti će Konkursna komisija na osnovu utvrđenih kriterija i zbrajanja ukupnog broja bodova dobivenih iz dostavljenih dokumenata koja se traže ovim Konkursom.

Rang liste će biti objavljene na oglasnim pločama studentskih domova i web stranici: [www.student-centar.ba](http://www.student-centar.ba), a sve u skladu sa Planom i dinamikom realizacije Konkursa.

## V

JU "Studentski centar" Sarajevo će posebnom Odlukom, a nakon prispjeća i obrade svih aplikacija, odrediti Kriterije globalne raspodjele smještajnih kapaciteta, način, uslove i dinamiku useljavanja, te način i visinu izmirivanja troškova cijene usluga u studentskim domovima.

Studenti koji se ne zaduže u terminu koji utvrdi JU «Studentski centar» Sarajevo gube pravo na smještaj.

## VI

Studenti koji zadovolje uslove iz Kriterija i ostvare pravo smještaja u studentskim domovima obavezni su koristiti usluge Doma počev od 15.09. tekuće godine do 15. 07. naredne godine, za koji period su dužni redovno i u cijelosti izmirivati svoje obaveze.

Međusobni odnosi između JU "Studentski centar" Sarajevo kao Davaoca usluga i studenta kao Korisnika usluga, uredit će se posebnim ugovorom kojim će se jasno utvrditi prava i obaveze ugovornih strana za period naznačen u prethodnom stavu ovog člana.

## VII

Prilikom zaduživanja u studentski dom novoupisani studenti - brucoši dužni su dostaviti potvrdu o upisu na fakultet.

Studenti starijih godina koji su primljeni po Konkursu u dom, obavezni su dostaviti Potvrdu o upisu na fakultet za akademsku 2010./2011. godinu najkasnije do 01.11.2010. godine radi regulisanja naprijed ostvarenog prava na smještaj u dom, jer u protivnom gube ovo pravo.

## VIII

Svi učesnici u subvencioniranju ishrane i smještaja (Kantonalna i Federalno ministarstvo obrazovanja) imaju pravo da učestvuju u realizaciji sprovođenja Konkursa u skladu sa predviđenim rokovima i usvojenim Kriterijima.

### **NAPOMENA za studente SBK I HNK**

Svi studenti koji dolaze iz SBK i HNK, a ispune kriterije za smještaj i ishranu u studentskim domovima mogu pristupiti zaduženju pod slijedećim uslovima:

- da Vlade ova dva kantona do početka zaduženja studenata, a najkasnije do 01.09.2010. godine izmire sve obaveze prema JU "Studentskom centru" Sarajevo za predhodni period tj. predhodnu akademsku godinu i ranije, i
- dostave naplativu garanciju za izmirenje obaveza subvencioniranja cijene usluga smještaja i ishrane studenata koji dolaze sa njihovih područja u školskoj 2010/2011. godini, u vidu Odluke Skupštine Kantona o izdavanju Garancije i Odluke Vlade o bezuvjetnoj i redovnoj mjesečnoj isplati predmetnih obaveza na osnovu ispostavljenih faktura JU "Studentskog centra" Sarajevo kao Davaoca usluga.

## IX

Konkurs je otvoren 20 dana od dana objavljivanja u sredstvima informisanja. Prijave na Konkurs mogu se dostaviti lično ili putem pošte na adresu:

**JU "STUDENSKI CENTAR" SARAJEVO**  
**Studentski dom Nedžarići, ul. Aleja Bosne Srebrene bb, 71000 Sarajevo**  
**Tel: 00387-33/ 235-827, 235-847, 235-832, Fax: 471-311**  
**ili**  
**Studentsko naselje Bjelave, ul. Bardakčije broj 1., 71000 Sarajevo**  
**Tel: 00387-33/714-210, 714-211, Fax: 714-210**  
**www.student-centar.ba**  
**e-mail: justudsarajevo@yahoo.com**